



СОЁЛЫН ЯАМ



БАТЛАВ

САЛБАРЫН УЛСЫН
ЕРӨНХИЙ БАЙЦААГЧ

/Албан тушаал/

Д.РЕНЧИНДОРЖ

/Гарын үсгийн тайлал/

ХЯНАЛТ ШАЛГАЛТЫН
УДИРДАМЖ

2024 оны 03 дугаар сарын 05

Дугаар 05-00-00-001/02

Улаанбаатар хот

Урьдчилан сэргийлэх хяналт
шалгалт хийх тухай

Нэг.Шалгалтын зорилго, үндэслэл

Төрийн хяналт шалгалтын тухай хууль, Монгол Улсын Засгийн газрын “Хяналт шалгалтын төлөвлөгөө батлах тухай” 2023 оны 420 дугаар тогтоолын дагуу “Соёлын биет өвийг зөөж тээвэрлэх, гадаадад үзэсгэлэн гаргах үйл ажиллагаа”-нд Соёлын тухай, Соёлын өвийг хамгаалах тухай, Музейн тухай, Зөвшөөрлийн тухай хууль тэдгээртэй нийцүүлэн гаргасан захиргааны хэм хэмжээний акт, дүрэм, журам, стандартын хэрэгжилтэд хяналт шалгалт хийж мэргэжил арга зүйн зөвлөгөө өгөх, илэрсэн зөрчлийг таслан зогсоох, эрсдэлээс урьдчилан сэргийлэхэд оршино.

Хоёр. Шалгалтад хамрагдах асуудал, хүн, хуулийн этгээд, объектын нэр

2.1. Урьдчилан сэргийлэх хяналт шалгалтад Зөвшөөрлийн тухай хуулийн дагуу “Соёлын биет өвийг зөөж тээвэрлэх” зөвшөөрөл авсан соёлын биет өвийг эзэмшигч байгууллага, хуулийн этгээд, эрдэм шинжилгээний байгууллага тухай бүр хамрагдана.

2.2. Соёлын өвийг хамгаалах тухай хуулийн 31 дүгээр зүйлийн 31.2 дахь хэсэгт заасан нийтийн өмчийн соёлын биет өвийг эзэмшигчийг урьдчилан сэргийлэх хяналт шалгалтад хамруулна.

2.3. Соёлын өвийг хамгаалах тухай, Зөвшөөрлийн тухай хууль, Монгол Улсын Засгийн газрын 2016 оны 52 дугаар тогтоолын хавсралтаар баталсан “Соёлын биет өвийг зөөж тээвэрлэх журам”, Засгийн газрын “Журам батлах тухай” 2018 оны 121 дүгээр тогтоолоор баталсан “Түүх, соёлын хосгүй үнэт дурсгалт зүйлийг хилээр нэвтрүүлэх журам” болон Боловсрол, соёл, шинжлэх ухаан, спортын сайд, Сангийн сайдын 2019 оны А/237/92 дугаар

хамтарсан тушаалаар баталсан “Түүх, соёлын хөдлөх дурсгалт зүйлийг хилээр нэвтрүүлэх журам”-ын хэрэгжилтэд хяналт тавина.

2.4.Хяналт шалгалт хийх явцад хүн, хуулийн этгээдээс өргөдөл, гомдол, хүсэлт, мэдээлэл ирүүлсэн тохиолдолд төлөвлөгөөт бус хяналт шалгалт хийж шийдвэрлэнэ.

2.5.Хяналт шалгалтыг хэрэгжүүлэхдээ хяналт шалгалтын бусад байгууллагуудтай хамтран ажиллах, үйл ажиллагаагаа уялдуулах, харилцан туслах үүргийн хүрээнд хамтран ажиллана.

2.6.Хяналт шалгалтын явцад Зөрчлийн хуульд заасан зөрчил илэрсэн тохиолдолд зөрчил шалган шийдвэрлэх ажиллагааны дагуу зөрчлийн хэрэг бүртгэх ажиллагааг хуульд заасан үндэслэл, журмын дагуу явуулж хянан шийдвэрлэнэ.

Гурав.Шалгалтын төрөл

Урьдчилан сэргийлэх хяналт шалгалт.

Дөрөв.Шалгалтын арга

4.1.Урьдчилан сэргийлэх хяналт шалгалтыг Төрийн хяналт шалгалтын тухай хууль, Монгол Улсын Засгийн газрын 2022 оны 479 дүгээр тогтоолоор баталсан “Хяналт шалгалт хийх нийтлэг журам” болон бусад холбогдох эрх зүйн баримт бичгийн хүрээнд хийж гүйцэтгэнэ.

4.2. Улсын (ахлах) байцаагч нь хуулийн этгээдийн холбогдох баримт бичгийг судалж танилцах, хянаж үзэх, тайлбар авах, баримт бичгийг хуулбарлан баталгаажуулах, холбогдох төрийн захиргааны байгууллагуудад хадгалагдаж байгаа баримт бичгүүдийг гаргуулж авах, тулгаж үзэх, үзлэг хийх, хувилж авах, шалгалтын явцад илэрсэн зөрчил, дутагдлыг баримтжуулан хуулбарлаж авах, фото зураг авах, дүрс бичлэг хийх зэрэг хууль тогтоомжид заасан бусад аргуудаар хийж гүйцэтгэнэ.

4.3.Шалгалт хийхдээ шаардлагатай баримт бичиг, бусад холбогдох судалгаа, мэдээллийг шалгуулагч этгээдийн эрх бүхий албан тушаалтнаар баталгаажуулан хүлээн авч, шалгалт дууссаны дараа хүлээлгэж өгөх ба шаардлагатай тохиолдолд нотлох баримт болгохоор хувилж авна.

Тав.Шалгалт хийх бүрэлдэхүүн

5.1.Хяналт шалгалтыг нийслэлд Соёлын яам, Засгийн газрын хэрэгжүүлэгч агентлаг Соёл, урлагийн газар, нийслэлийн Соёл, урлагийн газрын соёлын хяналтын улсын /ахлах/ байцаагч хийх бөгөөд шаардлагатай тохиолдолд орон нутагт ажиллана.

5.2.Орон нутагт хяналт шалгалтыг соёлын хяналтын улсын /ахлах/ байцаагчид хийж гүйцэтгэнэ.

5.3. Хяналт шалгалтын явцад мэргэжлийн байгууллага, тусгай мэдлэг бүхий хүн, шинжилгээ хийх эрх авсан шинжээчийг татан оролцуулж, хамтран хийж гүйцэтгэж болно.

Зургаа. Шалгалт эхлэх болон дуусах хугацаа

Шалгалтыг 2024 оны 03 дугаар сарын 11-ний өдрөөс 10 дугаар сарын 15-ны өдрийн дотор хэрэгжүүлнэ.

Долоо. Шалгалтын дүнг танилцуулах

7.1. Хяналт шалгалтын танилцуулгыг аймаг, нийслэлээр нэгтгэж, хяналт шалгалтын танилцуулга, улсын байцаагчийн үйлдсэн баримт бичгийн хамт 11 дүгээр сарын 01-ний дотор Соёлын яамны Салбарын хяналтын газарт бичгээр болон цахимаар ирүүлнэ.

7.2. Төлөвлөгөөт шалгалтын дүнг Салбарын хяналтын газар нэгтгэж, танилцуулгыг 2024 оны 11 дүгээр сарын 29-ний өдрийн дотор Төрийн нарийн бичгийн дарга, холбогдох албан тушаалтанд танилцуулна.

---o0o---